

知道知身者早還純而返素而煉神煉氣者速出有而入無昔嘗告盟以參傳約富溥度今遇皈依而禮謝事在可伸弟子詞誠謹當宣奏

宣詞

諦詳詞語灼見至誠激切之念已傾方寸之誠不息恭遵禁戒備按典彝建壇壝以肅嚴望穹窿而懇請惟堅一縷之念上通十極之真自知昧元炁於多生散沖和於萬有逐世緣而不修上道縈愛習而莫返玄根未能自誠何以普度盡從前而一洗當自此以重修臣等謹為沐浴五體澄鍊六情法地象天齋香奉信以今日今時啟壇依儀行事至某日某時延降上真謝過懺愆祈恩請命轉依科法宿以啓聞恩惟

太上三清十方上聖垂慈監映省覽所陳勅勒靈寶官屬土地真官一合同心併力衛護掃蕩內外清靜壇場降伏妖魔滅邪崇使臣等心安神定思念立感啓奏御達善功成就無有窒滯所願隨心臣等雖佩正真參修

大法處身五濁染跡六塵三關未調六情放誕仰賴禁戒以檢身心然後格降上真導迎景昭明晨行道續更以聞謹啟

十二願

復鑑

謹攝香官使者左右龍虎君侍香諸靈官當令臣向來肅啟行道之所自然生金液丹碧芝英百靈眾真交會在此香大鑪前當願十方仙童玉女接待香煙傳臣向來所啟之誠速達徑御

至真無極大道

吳天玉皇上帝御前

出堂頌

出戶

道門科範大全集卷之六十九

道門科範大全集卷之七十七十一卷 甲三
道士修真謝罪儀

清旦行道

法事陞壇如式

各禮師存念如法

宣衛靈咒

青陽虛映耀日回靈神虎辟邪飛天流鈴摧奸滅試萬魔束形九微回道八威攝精千真校錄三元蕩清左嘯中黃右榮六丁七轉八合周旋天經聖化巍巍大道興行慶雲流布合景黃庭與道合真

鳴法鼓二十四通

無上三天玄元始三炁太上道君太上老君召出臣身中三五功曹左右官使者左右捧香驛龍騎吏侍香金童傳言散花玉女五帝直符直日香官合三十六人出出者嚴裝顯服冠帶垂纓關啓玄壇土地方域神真臣今清旦行道謹奉為入意其諸情悃已錄奏聞願得

太上十方至真道炁靈寶瑞光下降流入臣

身中令臣所啓速達徑御

太上無極大道

昊天玉皇上帝御前

請稱法位

具位臣某與合壇眾官等謹同誠上啓

三清上聖十極高真十方太上靈寶天尊消愆滅罪天尊大慈延壽天尊長生保命天尊九霄自然生神上帝度人太皇三十二天上帝諸天天尊諸天上帝上清日月星斗河漢羣真三官四聖五師三省真君九天天曹諸位真君歷代傳宗啓教諸大師真雷霆神虎天醫諸司官將太上諸階經籙中仙官將吏天下名山得道神仙地府酆都大帝幽陰聖眾水府扶桑丹林大帝閻苑真仙人元五嶽五天聖帝酆都地祇諸司元帥太歲土火溫司聖眾州縣城隍主者當境廟社神祇福庭土地真官法壇諸司官將三界提魂攝魄神兵四界直符功曹使者醮筵主宰一切真仙恭望洪慈洞回淵鑒臣等夤緣夙命獲履法門遵太極之元科佩上清之秘籙廣宣真旨

以效消誠今則玉宇澄清寶壇嚴肅奉霄綱而致款跂真馭以垂臨享此潔脩應其昭告既承詞旨敢不上聞

宣詞

按如詞陳情誠丹切正一道士臣某等叨承福會願被真風幸依清淨之門冀悟希夷之旨而念塵勞障蔽悞攀緣馳心徒繫於三清委跡難逃於陸海功微毫髮夤積丘山五行爲命運之裁星曜攝照臨之厄非憑懺謝莫遂消穢是以脆信質心延真設禮命正一之淨眾啓靈寶之清壇夙奉薰修克期通感以今清旦行道請法眾等運茲初捨上香願此香烟騰空徑上供養至真無上道寶臣等皈身皈神皈命以是功德上祝

今上皇帝伏願寶圖鞏固椿壽遐長聖政日新建皇極立大中之道帝德天輔巨萬世隆不拔之基兆庶宅心八方同軌文階武秩叶贊熙朝玉葉金枝昭宣景運恩均遐邇澤被幽明蒙道化以召和沐玄風而交泰今故燒

香自皈依

道尊大聖眾至真之德得道之後昇入無形和與道合真

以今清旦行道請法眾等運茲二捨上香願此香烟騰空徑上供養

至真無上經寶臣等皈身皈神皈命以是功德歸流正一道士臣某等三師九祖近代先亡道俗親緣尊卑眷屬伏願削落地簡灌鍊形魂債訟息緣冤仇罷對入明霞之境沐浴火之庭永出重冥克登淨域真師玄友靈藥神丹願極昏迷迴賜通感今故燒香自皈依經尊大聖眾至真之德得道之後昇入無形和與道合真以今清旦行道請法眾等運茲三捨上香願此香烟騰空徑上供養

至真無上師寶臣等皈身皈神皈命以是功德皈流正一道士臣某等師資長幼法屬親蘿既未脫於俗鄙願廣恢於道蔭福庭崇觀獲安處以無虞琳扎青書庶深潛而有得永捐塵累克闡真風一子登仙九曾受賜今故

燒香自皈依

師尊大聖眾至真之德得道之後昇入無形和與道合真

懺方 命魔 步虛 三禮

重稱法位

具位臣某與合壇眾官等謹重誠上啓

虛無自然元始天尊太上大道君太上老君

昊天玉皇上帝勾陳天皇上帝北極紫微大

帝承天效法后土皇地祇道經師三寶天尊

上窮圓蓋之高真下極方輿之主宰有靈有

聖今古師宗醮筵合座真仙恭望洪慈普同

昭鑒臣聞清靜之教大闡於西周正一之風

宣行於東漢自虛皇之造物至道為先暨盤

古之開天神化為主東羅飛景西列靈立南

挹丹陵北峙元關乃有上聖執符之帝高真

御極之尊坐鎮九清總攝三界幹旋二氣朝

會萬神廣扇慈風聿臨下土今遇天元之寶

運持敷龍漢之化源溥濟人倫俾登壽域正

一道士臣某生逢昭代長遇休期一玄門

獲披妙訓師資開度佩奉靈文緣一玄門馳沉

迷邪境三會五騰有虧朝奏之功八節三元

多昧進修之禮六陽十直崇奉冠期甲子庚

申禱祈疎禮齋分九等豈洞曉於真詮功立

三千罔有依於聖訓科禁至重舉措多違戒

律威嚴修持有闕心非意亂犯百八十條議

淺智愚冒三百大戒六情十惡過積立山九

結十纏愆深巨海疊為罪簿冥司致使

殃咎日深災危旋至所以叩玄關而有請聖

丹闕以知歸揆日投誠披心效信式數壇席

備舉明科稽首諸天告盟三界聲薦芬芳於

百和華燈洞煥於九光五靈燦丹篆之符八

會演玄都之典監觀法事三師垂保舉之恩

賞錄齋功四司定祿命之簡赦除罪咎解釋

災躔道果圓成深造無為之理真源明徹獨

觀衆妙之門出生死根離煩惱苦三師九祖

乘善觀以逍遙五族六觀沐神休而康泰上

願三光明媚五緯循躔氣序均調生靈共慶

干戈偃息三邊無烽燧之虞穡稿豐登九域

富農桑之業下逮三塗幽境六趣同倫涵泳

神波沐浴靈澤普躋壽域咸樂真風道化所

資物情俱泰上明

天尊大慈之澤下副臣等皈向之誠謹啓以

聞

十二願

復鑪

謹攝香官使者左右龍虎君侍香諸靈官當

令臣向來清旦行道之所自然生金液丹君

芝英百靈眾真交會在此香火鑪前當願十

方仙童玉女接待香烟傳臣向來所啓之誠

速達徑御

至真無極大道

昊天玉皇上帝御前

出堂頌

出戶

道門科範大全集卷之七十

三

六